



Regd.No.19134/88 <http://www.kbc.org.in> NAI/220/99
No-G-4/Regd.Magazine/KBCThuso/MNP-81

KBC|THUSO

So485

Kum 56 Ihinna

Ellha/October 2019

Workers Retreat at ECC Bangalore



NOVEMBER EVENTS

Youth Day - 06
MBC Day - 13
Pastor Tour Exchange - 1 - 31



"Kapa theng, eini pumkhat ihi bang a amaho jong
pumkhat ahitheina ding un, Nangman amahohi hong in"

John. 17:11



**Aimol Baptist Church in Host bol
Satu Baptist Church mun ah 20-22 Sept 2019
sunga MBC noija Association Secretary ho
kikhopna a KBC Lamkai gapang ho**

**IMA Meeting, Hyderabad mun a KBC
Mission Secretarty pa Rev. Hejalen Dounge
27-30 Aug. sung in agapang in ahi**



**KBC Worker's Retreat 2019 Bangalore ECC mun ah
23-28 September sung inana kineitah ahi.**



**Myanmar Missionary holeh KBC Lamkai ho
Achesa 24, 2019 nichun Myanmar gamm ah anakimuto un ahi.**

CONTENTS

THUMAKAI HO

1. Khangthahte Mopohna/ <i>Editorial</i>	2
2. VANGAM/ <i>Rev. Henjalen Dounge</i>	4
3. KANI LEI LEH INAMPIU/ <i>D Paozangam</i>	7
4. Mission Column	11
5. Women Column	15
6. Youth Column	17
7. Literature Column	19
8. Reports	20

EDITORIAL BOARD

<i>Chairman</i>	: <i>Rev. Tonglet Haokip, President KBC</i>
<i>Editor</i>	: <i>Dr. M. Thongkhosei Haokip, General Secretary</i>
<i>Joint Editor</i>	: <i>Rev. Henjalen Dounge</i>
<i>Contributing Editors</i>	: 1. <i>Rev. Letpu Kipgen</i> 2. <i>Rev. Onthang Haokip</i> 3. <i>Rev. Kaikhokam Chongloi</i> 4. <i>Pastor Paokhohao Haokip</i> 5. <i>Pastor Satminlen Khongsai</i>
<i>Cir. Manager</i>	: <i>Ms. Lhingjanem Haokip</i>
<i>Design & Layout</i>	: <i>Hemkholen Haokip</i>

THUSO LAHMAN

Church/Organisation/ DepartmentRs. 300/-
IndividualRs. 200/- (Post a Rs. 250/-)

Indian Overseas Bank, Imphal Branch

A/c No. 073201000000350 IFSC No. IOBA0000732

The General Secretary,
Kuki Baptist Convention,
Opp. DM College, Imphal 795001, Manipur
email: kbcindia@rediffmail.com

Advertisement bolnom hon Mobile No. 8131803543 Contact thei.
Circulation to kisai lam Mobile No. 9862633173 bol ding.

Editorial...



Khangthahte Mopohna

Editorial

"Nakhan don laiyn nasempa geldoh in ..."

Ecclesiastes 12:1

"Amasatah in Ama gam le achonphatna hol masauvin, chuteng le hichengse chu nakipehbe ding u ahi"

Matt.6:33.

Thumakai:

Amasatah in muntina um Kuki Christian chate jouse ahideh a KBC member ho jouse chung a i Pakaiyu Jesu Christa minin salaam kahinpe cheh uve. Tulha thupi chu "Khangthahte Mopohna" kiti ahi toh kilhonin, hiche thudol ah chomcha ana kihoulim u hite. Khangthahte mopohna lah a geldoh jing ding kiti khat aume. Geldoh jing ding kiti hi mihem hina khat a angai poimotah khat chu ahin, mipi lhing/lhinglou, mi lolhing/lolhinglou, miching/michinglou, mipha/miphalou kihetna ahi. Hiche geldoh kiti hi aphalam tah le aselam tah anigel a manchah thei chu ahilhonne.

A. Khangthahten ipi chu ageldohdiu ham?

Asempa ageldoh ding uvin thupeh anei uve.

*Koiham asempa chu? Pathen ahi.
Pathen aume ti geldoh a athu jui/nitna dinga
lunggel nei ding ti ahi.*

*Michingpa Solomon in kum tampi le thil
tampi anabol/anato nunga ahin geldoh a
khangthah te hilna a anei chu ahi. Aman
khonunga Matthew sei ding tobang ana mu
chu: "Amasan ama gam le achonphatna hol
masauvin, chuteng hichengse chu nakipehbe
dingu ahi." (Matthew 6:33)*

B. Itih Phat a ageldoh ding ham?

*"Nakhan don laiyn nasempa geldoh in" atie.
Natehset lam le ahiloule Pathen thulam hi tua
kiseimo angaipo tia miching kisah thusei
donbutna hile akilome. Akhandon laiya Pa-
then geldoh theiho chu neh le don, umchan-
khanchan phalouva kona kikangse ding ahi-
uve. Tulaiya khamna thei jat chom chom ne
le donho hin asempa ageldoh u hinan tem?*

C. Ipi jeh a Geldoh jing ding ham?

*Nikho phalouho hung lhun ding jeh ah kihoi-
doh na ding jeh ahi. Nikhat le thil jouse anom
jong anommo jong achaina nikho hung
lhung ding, hiche nikho teng le asempa anga
din a, ahinkho imanchah dan akiphon ding
ahi. Hiche ni teng chule abolkhelna ho kisi
jong le vai gei ding ahitan, phachom talou
ding ahi.*

Thu Khumkhana

*Khangthahte mopohna hi tampi umjong le asempa geldoh din-
ghi apoimopen ahi. Hiche geldohna chun alunggel-lungput, ahi-
ndan, aneh-achahho a kikhelna ahin nei ding, insung, gamsung
chule houbunga lolhing tah a kiman chatna anei diu ahitai. Hito-
banga dingin Pathenin khangthah jouse vangboh cheh tauhen.*

*Chule, lunglut tah a sim jouse chung a Pathen vangpeh chang
tahren.*

VANGAM



*Rev. Henjalen Doungel
Secy.Mission,KBC*

SERMON

Mitamta in vangam hi um mongham? atah ham? hoilai a um ham? itabang ham? Ti adong in chuleh hetjong aheth nom chehe. Chuleh mijouse hi hilai mun achun ache nom chehe. Michon setah khatjong chu athi nungle vangam a umding nomlou aumpoi. Hiche hin avetsah chu vangam chungchang hi hetjep angaijin hetkhel khah a geldau khah ding hi vang set umtah khat hiding ahi.

Vangam hi hoilai mun ahidem?

Bible in Vangam hi Pathen chena ahi ati. Hilai muna hi Pathenin alaltouna akido ahi. Hilaimuna hi vantilte uma chule hilaimuna hi Pakai Jesu Christa jong um ahi. Phil. 3:20 chun eihohi vangam mite ihuive atin chule hilai munakon lhatdamna ingah jingui atin ahi. Hiche jeh achu Jesun chonse Cross chung a kikhaipa koma a chu "tunia keima-

toh paradise a iumkhom ding ahi" anati ahi Lk 23:43.

Biblea kimu dollin Vangam kiti mun hi gamlatah hilou ding sumkon nunung hung gin ginle tahsan chate jouse vanlai jolla lahtouva umding Vangama Pathen koma umdia checheh dingu ahi akiti. Vangam kiti hi aum dithah ahijeh in eiho vanthamjol chung lam hidin tahsan aume. Mihemte munnai le gamlat sima simdin Light year billion ijat

hamkhat hiding ahi. Hilai munhi mihemte chihna a kitem huilengkong/rocket a chephahna ho hitalouding, hinlah mikhat chu lhagao vouva auma Pathen thahatna a lahtouva aumteng mitphet kahlouva lhuntheina hiding tina ahin hijeh a chu hichemun hi gamlatah hilou ding kiti ahi.

Vangam hi itobang mun ahidem? Vangam hi itobang mun ham tikicheh taha heding koima aum-

poi. Itabang mun ham ti het theinapen bible chang phabep anaveo hite.

1. Pathen chena ahi.-*Ps 33:13*
2. Jesu umna ahi *Act 1:11*
3. Christian te thinung le umnading ahi *Phil 1:21-23*
4. Pa in ahi *Jn. 14:2*
5. Pathen in asakhopi ahi. *Heb 11:10*
6. Gamnomtah ahi. *Heb 11:16*
7. Paradise ahi. *Lk. 23:43*

Vangam kiti thua eihon ijahuleh ihetdan u chu alampi sanaem, akelkot songmantam chule abangjong dangka a kitem ahi akiti. Hiche hi Rev 21 akon hung kisei pan ahi. Hiche hin vangam hi itabang ham ti kicheh pen a eiseipehnao bible chang ahi. Hiche hi natah sanam tin kidong leohen konkhat in henge tin tin konkhat in katah san poi tin te. Tahsanthei ahipoi ajeh chu vangam hoinale loupinachu mihem kampao vin hilchen jou-ponte.

Tua hi Vangama koi koi um ham Hiche hi don but hah sabeh lou thudoh ahi. Ajehchu bible a vangam hi Pathen chenamun ahi akiti. Jesu Christa jong thina gal jouva athodoha leiset adalhahnia pat tuchan hin vangam a aum-jinge. Bible in vantielte vangam a aume atin Vana hi vantiel janel uma Pathen avahchoi jingu ahi akiti. Chule leisetna aumlai a Pathen ginga tahsante Old Testament khanga hihen tukhang a hijongleh athinung un vangam

a aumcheh uve. Koi hijong leh Jesu Christa dihtah a tahsan hochu athi teng Vangam a um cheh ahi. Chapang selepha ahin hetkhen mansang a thi holeh gelkhenje helouva pengsol ho jong vangam a um din tahsan aume. Biblein mihem khatchu athiteng alhagao chu Jesu koma acheji atin ahi. 2 cor 5:7-8 chule Phi 1:21-23. Jesu Christa thisan a soptheng hilou vangchu koi ma vangam lutlou ding ahi, ajehchu vangam lampi amabou ahi.

Vangama eiho hi ikiheto diuvm? Hiche thudoh hi matamtah in adoh thuchung ahi. Hiche thudoh donbut nahi 1 Cor 13:12 a solchah Paul in tua hi eihon kicheh louva imu u ahin vangam a chu kichehtah a imudingu ahi atin ahi. Hiche hin avetsah chu Pathen in eiho kichehtah a eihet banguva hi vangam a chu eiho le eiho jong kicheh taha ikihetto ding u ahi tina ahi. Vangam a chu eiho hi eiho ihijing nah laidingu ahi hinlah hilai muna chu chon-set nale Ihinlalna umtalouva bukim tah ihidingu ahitai.

Vangam a eiho ikihet to ding u ahi ti aphotchetna khatchu Peter James le John chu Jesu lhagao vou a aki khelna molchunga Moses le Elijah amu uchun koi ahi ahethei un ahi. Matt 17:1-9. Kidang tahkhat chu Moses le Elijah chu seijui hohin itih a jong mitna anamu khah lou u ahi, hinlah Pathen thilbol thei nan ahetsah un

Moses le Elijah chu koi ahi hon ahechheh un ahi. Hichi tabang hi vangam a jong hiding ahi. Vangam a chu maljin kiti umlou ding ahi.

Vangam a chun ipi ibol diuven? Hiche chungthu ajong hin Bible in vangam a ipi ibol diuven ti kichehtah in ima aseipoi. Ahinlah tahsan umpen chu vangam achu bolding helouva vang iumlou ding ahi.

"Heaven is a wonderful place" kiti lekhabu akon kimu vangam a ium ding danu hi

1. Koiman eisuboi lou va Pathen ivahchoi ding ahi
2. Chollou hellah Pathen na itohding ahi
3. Kitumkhen kikichatna beihella mijouse ikivop khom ding ahi
4. Chollou hellah thilthah thah iijil jing ding ahi
5. Chimlou hellah kipah taha ikichol do ding ahi.

Vangam nopnading pen chu Jesu Christa imit tahuva ikimupi ding ahi. Pathen chapa chu ihoudingu chuleagaljo la isah khom jingding ahi. Ginngai ngeipen ging intin tonsotna chimlouva Pathen ivahchoi ding ahi.

Vangam a che mong ding kahitii-ti kaki hetding ham?

Hiche thudoh hi Christian tedia thudoh loup pen khat chu ahi. Pathen in nang ma vangam a nalut thei nadinga bailam tah

lampi nasem pehtai. Ahah salai jouse aman abol chai soh ahitai, hichu aman achapa thingpela nang thikhela athisah chu ahi. Jesun aseije, keima lampi le thutah chule hinna chu kahi, keima tilou lampi dang aumpoi. Jn 14:6. Hiti jong hin aseije "Keima hi kot-pi kahi koihile keima akon lutchan chu hing ding ahi". Jn 10:9. Jesus hi vangam lampi keo hilou vin vangam kotjong ahi Nangma vangam a nalut nom leh alampi a nache a akot a nalut ngai ahi, hichu Jesu jallabou ahi.

Kigotna pang lou vin koima vangam alutthei poi. vangam hi Pathen in agonpeh mite umnading ahi. Pathen in mihemte dinga vangam agonto kilhona mihemte jong vangam alut nadinga kigot ngai ahi.

Vangam lut nadinga ipi nabol ngai am?

Vangam lutnading imadang angai poi. Pathen in Achapa Jesu Christa leisetna ahin sol in keima chonset a thikhel in ahung thin athisan chun kachonsetna asoptheng tai. Thingpel a kachonset jouse akhen beh in athi pin lhana avui jin chonset jouse jousoh in thikitlou din athoukit in nikhat leh ama katah san a anung kajui jalla eihung puija tonsot a vangam a kachending ahi ti tahsan jouse chu Pathen toh tonsot a vangam a chengkhom ding ahi.

Nangma naki got tup hitam?

KANI LEI LEH INAMPIU

D Paozangam

Sermon

THUMAKAI

KANI lei kiti hi leiset chung a mun phabep bou ah akibol in ahi. Hiche kani lei kibol na gam ho chu..

1. Golden Crescent kiti Iran, Afghanistan leh Pakistan gamgi chin kikh molsang lah,
2. Golden Triangle tia kihe Myanmar, Laos Thailand gamgi chin lah
3. Maxico gam leh
4. India gamsung a Arunachal Pradesh ahiu ve.

India gamsung ah East India Company in Arunachal Pradesh gam ah agam mipite ana tu sah un ahi. 1830s lah vel a British te China gam a sumkol vei a aga valut u chun agam (China) Economy ana hoi ma ma jeng tan amaho sumkol vei chu amang lampang joh ahi phat un Arunachal akan in KANI aguh in ana polut un chu akan chun sumtong ahin mupan ham un ahi. Alang khat ah agam government in nasatah a adoudal jeh un kitomo na ahung pengdoh in First Opium War 1839-42 aban ah Second Opium War 1856-60 kah ana kidou un hiche ho jeh hin China in Economic power, Political power leh Military power alhaso un WW II lai jeng in jong

amin u aki phapoh jou tapon ahi.

Eiho Manipur gamsung adin Ukhrul leh Saikul gam ah alei bol ahung kipan masa in chuban in CCPur leh Chandel ahung lut in ahi. Opium (Kani) lei hung kibol doh hi ajeh tampi um ding ahin, hiche ho chu anoi a kipe point ho akan hin ana veu hite.

OPIUM (KANI) HI IPI HAM?

Opium (Kani) kiti hi ham dong jatkhath ahilou leh pahcha jatkhath, aga hung kispilhing akan kiladoh anai gop khu kisei na ahin, hiche anai (latex) ah khun 12% analgesic alkaloid morphine kiti khamnathei jatkhath ajao in ahi. Hiche alkaloid morphine kiti

12% jao pen khu adang jao louva achom beleh a lahdoh nadin ei-pao a sei din akihon in chemical reaction phabep kichesah a chu akon BROWN SUGAR hungsoh a chuche Brown Sugar akon achu HEROIN kiti No 4 iti pen u khu hungsoh kitji ahi.

KANI LEIBOL HUNG KIPAT DOH LONA

Eimite hi ipu ipa khang apat Commercial Economy kiti hi ina het-phat lou u khat chu ahi. Thinghang gam lentah tah ina toupah un hiche itoupah nau gam hochu akum akum a tol in lou inabol un kumkhat itoh u kumkhat kine ana hi e. I ham tia lousoh aha pot beh jong le joh a Economy semhoi jep na a manding ti lunggel jong ina nei pouvin hijeh chun nehmo chengse jong chu JU a honding bep bou ana hi e.

Phat chedungjui in vannoi leiset khantou machal in eihin japkha tau vin ipu ipa economy toh tukhang economy akito lou phat in iboi gam taovin ahi. Loubol (Farming) hin i inchen khosah u economy adop sang jou tahlou phat in akhel ahi lou leh abelap ding dang ihol vang un akitup ima imu jou pou vin ahi. Business kiti mong mong hilah ipenpiu profession ahilou jeh in kahlah a anajuithei phabep ana um tama jong leh atamjon hahsa isa kit un ahi. Jat dang hon vang economical change hi eiho sang in adopt abol thei jou vin,

hijeh chun mite inchen phalal dan in ium gam taove. Profession jatchom chom juigo ho jong aboithei lseh vang un a marketing ding mipi chu economically unsound ngen ihi kitjeh un amahong aboithou thou kit un ahi. Mitchang tatdoh deh deh a nu le pa ten achate lekha ana sim sah hou jong ana them masa cheng inbou govt a tohmun pha akimu un tulang a ho se se invang thep natah tah leh tup na dihtah aneilou uleh tohmun pha akimu jou tapou vin ahi. Gam le go thing le song pansa a sumhol jong koima inchen delphah na ahitah tah joupon, hiche ho jeh hin ahung lut thah ahi vang hin mi inchen delphah nading lampi bailam pen chu KANI lei bol hi ahung hitan ahi. Abol khalou cheng in ahettlou vang un abolkha cheng in thildang toh atekah thei loubeh u ahi.

NGAI NA HINKHO ASUH POL NAHO

OPIUM (KANI) kiti hi Black Market business ahi jeh in jalhang hinkho ah thutah na le kitahsan to na asunem in ahi. Khan khodol a U le Nao, Sopi le Sopi kikhajeng ajong kitahsan tona leh kilungmon tona nasatah in asubei in ahi. Adeh in acho le ajoh ho kikhajeng ajong ki tahsanto na aum thei pon jetlam a sum veilam a kani tidan a kikhut santo tingel lou chu asum hihen athil hijong le akipe bangkhai kiti chu von kijoh dang ho bang a gaki nung-

suh thei behseh ahi poi. Achopan ajoh pa anop le Jail alhunsah thei chu mabang a ajoh pan acho pa Jail bailam tah a alhunsah thei ahikit e. Hiche hohin ngaina hinkho a i custom u khankho nunkho leh KITAH na kiti jouse abung bu bun aheikoi gamtan ahi.

HOULAM LHAHSAM NA APOHLUT DAN

OPIUM (Kani) lei bol pum a houbung lhacha natoh lung op-kai na beihel a tong thei ding mi koima aki umpon, tohga ijat kilamdoh jong leh soma khat pehthei lou chu pathen hetpih le vangboh chan na jal a kilamdoh ti thei ahikit pon ahi.

Vetsah nan thinglhang kho Kani lei kibol na mun kho jouse ah Hou-in kai na dah agin jing vang in hou-in jon mi aum beh tapon, atamjon, khomipi te lounun ah loubuh lentah tah kisah in khosung lam a umsang in loulam ah akhosa jo taovin ahi. Jan Nute kaikhom, Khanglai kaikhom leh Mission Board kaikhom a akai ding mi a umtahlou keu hilou vin Pathenni (Sunday) ni nasan leh khosung lam jon talou in lounun joh a tohthei thei aki toh jotauvin ahi. Pathen anga nampi khankho ding lainat najal a mitlhi tampi seng a KUKI NAMPI TAONA tia amun amuna ina tao lai uva bon minung kipa joulouva tua hitia hi ihou u PATHEN inungsun u leh iti Pathen lunglhai na ichan thei mong mong diu ham?

CHONDAN NGAINA ASUHKHAH DAN

Eimi te hi, Pu khang Pa khang apat nu le pa jate leh Numei le pasal kikh kitup tah a hinkho mangte ihu vin, hinlah kani lei ihin bol uva pat hiche chonchan theng hohi imalou vin isep gamtao ve. Insung hahsat leh boijeh a chate phone deiho a anu apan achoh pih joulou chu kani lei a sumlo a aga che a Hapta(kal) ni tabang sum aga lo uleh bailam thet in nu le pa choh joulou phone chu akichoh doh jeng jiu vin ahi. Nu le Pa choh joulou khat eiman ithakang a iki lodoh jou le Nu le Pa jana kilhasam jep teiding ahi.

Chukey hilou vin natong (labour) ho natoh khoh laileh loubuh neo cha sung ah numei pasal khentum um chomlou vin nikho tampi a geh khom jiuvin hiche ho jong hin setna lhut khal khal hih jong leh ichondan u toh kitoh lou khat ahi. Chu leh natoh nagam ahi jeh in atong achol ho in ankam tuina ding leh jan kichol do nop nading tin donthei thei adon jiu vin ahi. Keiman kamit tah a kamu chu gamgil lah jouse hai hom keu mohdim a adim khu ahi. Hiche ho jong hi i Christian hinkhou to kitoh lou thil khat ahi.

GAM LE GO HUIKHO ASUH KHAH DAN

A itih a kivat chai kha ngailou thingcham lah Jouthing nahing det det a pangkai namun jouse

lujang a sam kivou chai bang in aki vouchai gamtan, Vadung nah/TUI NAH jouse jong aki vatchai goh keu hilou vin chemical chikim, tichu... Hampa lou, Lunglou (pesticide) leh hal ikap khum gam un, amang theilou chemical ho i tuinah jouseu vah tanglou va ikap khum uhi kichat um pentah khat chu ahi. Hiche iloubol jeh uva ijah u chemical hohi ineh idon hou (food chain) a eima hon i poh lut u ahi. Chuleh hiche in avetsah chu eima ho le eima hohi slow poisoning ikibol u ahi.

THU KHANA

Gamsung khantou ding leh mimal inchen khosah khantou ding ideisoh kei un ahi, hinlah hiche teni hi ichekhom sah thei lou uleh khonung teng ikisih nao hung sang ding ahi. Ami takip kihaosa soh kei henlang igamsung u kisuchai gam taleh ipi a phachom ding ham? Building hoi hoi ah kicheng sohkei henlanginei igou loson ding itu ichate jouse drug addict ngen hitaleh aphot chom na ipi aum tadem? "Pu SIMON MI-PHAPA in article khat ajih na ah namkhat chu suhchimit ding iti leh agamsung uva Opium (kani) pohlut ding ahi" tin ana jih in ahi. Hiche hi British ten China gam ah apply ana bol u ahi, British te China gam a sumkol vei dia aga lut til u chun amaho joh Trade deficit sangtah ahin nei tauvin hijeh chun lungthim thuh tah neipum

in kani ana pohlut uvin ahi leh agam mite addict ahi gam phat uvin amahon profit ahin mu pan un ahi.

I kani production hou jouse hi Golden Triangle ah tollut ahin chuleh Golden Triangle ma ma akon WY leh Heroin eiho gam ah alom chang chang in ahung kitollut kit in khonung a inampiu khompi a pangding khangthah tamtah WY addict ahi gamtai. Igam uva finished goods Heroin leh WY chang hung kitol lut ho sem nading a Raw Material supply bolchu eiho ma ma ihu vin chuleh Myanmar akon igam uva hin polut leh ajoh ah jong eimi ma ma ihikit uve.

Chukit leh detmah umtah khat chu gampheng hite lai lai akon production (atam didan dan chu..) jouse boilou hel a alei lhou hon aki joh chai hel jiu khu kidang tah ahi. Hiche hin a middle man ho thahat dan leh pildan (well organise) ahi dan hou avetsah in ahi.

Hiche i loubol uhi ingah vah lou u leh khonung teng igam jouseu hi Barren land ga- seplou gam ihin sodiu, itui jouseu donthei hung hilou ding, ichateu itu teu jouse Kani/No 4/ WY addict hung hi gamding, jatdang namdang te musit leh chotpha ihung hi diu CHUTENG KHANG NUNUNG LAM TEN TUKHANG A MITE THEMMA NA SANGTAH EIHIN CHAN DIU AHI

Mission Column

Myanmar Missionary hoto kimutona kinei.

Achesa 24 August 2019 nichun Myanmar gama Pathen lenggam na itoh khompiu KCBU Mission Secretary Rev Titus Lunpumthang makai na noijin Tamu Bethel Baptist Church muna kimuto khomna anaki-nei jin ahi. Myanmar gama Pathen natoh hi aumtalou Rev Dr Jampao Haokip khanga KBC le MBC in MOU signed anakibola tuchana hung kiche pi ahi.

Hiche kimuto na a chun Rev Dr Thongkhosei Haokip General Secretary makai nan Rev Henjalen Doungei Mission Secretary, Rev Thanglen Haokip Gambih no 15 pastor, Pastor Thangtinlal Haokip Centre Church Chavangphai, Rev Haopu Haokip Principal Dr Colvin Academy, Pastor Hegin Haokip Gambih no 14 Pastor chule Pu Seithang Touthang Mission Chairman Moreh Baptist Church to anakikal song khomin ahi.

Myanmar Baptist to Partnership na noiija Mission na itoh khom pi hou chu anoia hohi ahiuve.

1. Missionary Let Ja Pao Naung kham Mission field.
2. Missionary Chit Shwe Na Ta Kyaik Mission field.
3. Missionary Thang Gin Len Pha naing Mission Field chule
4. Missionary Pr Haojang Yangon ahiuve.

Kipa umtah in Bethel Baptist Church Tamu a houbung lamkai ho ahi-deh a Pastor pu Thongkholun lamkai nan anneh tuidon acheho jouse eina gon tup soh peh un Houbung chungahin ikipanao alene.

Mission natoh hi banjom ding kiphat sah na akinei jin chule ahung lhung ding Mission Conference a jong hung pang tei diu vin temna akinei jin ahi. Amaho jong kipah tah a hung pang din vailah na einei un chule kipa vetsah nan Koldel khat cheh eihin present un ahi.

Pathen in mabana phat thei eiboh jingu henlang chule itohkhom nao-va lolhin na eipejing tao hen.

IMA Annual General Meeting cum India Mission Summit Hyderabad Kum phabep pi India sunga Pathen na ihin toh khom piu IMA General Meetinga pan ladin a achesa 26th Aug. nichun kanakal song in ahi.

Pathen na taona pumin 1:20 pm in Imphal Airport kana dalhatai. Nilhah lam 6:00 pm in Hyderabad Airport kaga Ihung in Rev Sangte Mission Director BCM Guwahati Region to kakimuto Ihonin meeting umna ding mun Ashirwad Global learning Centre kaga Ihung hon tan ahi. Room khat share kabol khom honin ajing nikhon Rev Vijay FMPB lamkai pu ahung kit in kathum uvin Room share kabol un ahi.

27th Aug. ni nilhah lam 1:00 pm in opening session phat akimang khom in Pathen vahchoi na Zion Church Worship Team in alamkai jin Rev Dr J.Chiranjeevi Chairperson IMA in lemna thu asej jin Bishop MA Daniel in Key Note Address apen phat pat ahitai.

Hiche Mission summit a Motto chu ahileh "Reframing Perspectives" ti ahin ahideh in Youth lamto kisai a Mission natoh na a focus bolding dan hatah in akisei phongin ahi.

Nithum sung kiman chah na a hin Dimapur Ao Baptist Church Praise and Worship team in eilam kai un Pathen houkhom na alolhin sah lleh un ahi.

Delegates 111 alhinge. India gamsunga Mission natoh nalampanga lunglutna neijouse kigop khom na ahi. Mission tampi kiloikhomna ahito Ihonin Denomination na kikhen nathu akisei pon Pathen gama dia natoh machal nading thujeng kihou khom na hi anom lleh jengin ahi.

Hetdia pha khat chu sopi Mizo hole Naga hohin tuhin hiche Mission Association hi amaho a tabang in ahin gel taovin General Secretary pannan worker ijat hamkhat hi amahon lhalo apeh peh un mopoh na alaovin ahi. Hijeh hin hiche Mission Association hi amaho lamkai na Association danin ahung umdoh tan langkhat na geldin kipa umtah jong ahi. Eiho KBC in jong nikhat leh Mission natoh na organistion dang ho a a representative ihin sol uva gamsung mipi hetthei tah a Pathen natong Houbung khat ihung hidiu kinap aume.

30th Aug. nin Conference Centre a kon kahung doh in GI Thangjakhup Touthang Assist. Pastor KWS Hyderabad in eihung puijin khopi sunga phat chomkhat kaga vah Ihonin nilhah lamin OM Centre a Rev Bishop Paothang Haokip koma kache Ihonin chule amainna kaga jan geh in ahi. Ajing jingkahlam 9:20 in Hyderabad Airport kahin dalhan Imphal lam kahin jontan ahi.

Mission Secretary hina mopoh na a kipah tah a pan kaga lahthei na Pathen kathangvah in chule kakhol jin sunga Taona a eihin geldoh lamkai hole houbung ho chung a kipa thu kahin seije.

Pathen in Kuki Baptist Convention phatthei boh jing tachen.

MISSION CONFERENCE 2019 (Highlights)

Ahunglehung ding KBC Mission Conference 2019 Kangui Chris-

tian College Campus a akibolding to kisai a houbung mipi ten mopohna nei lamkai ho ina hetna diule akibollona jeh ipi ham ti achom lama ihet them thei nadiu vin anoiya hin kahin tah lange.

Amun: - Kangui Christian College Campus, Kangpokpi

Anikho:-14-18 November 2019.

Speakers: - 1.Rev Dr. Mansang Songate 2. Rev Dr Kh Khaizakham

Resource Persons: -

1. Rev Dr Thongkhosei Haokip Gen.Secy KBC

2. Rev Letlal Haokip KBC Mission Liaison officer N/India

3. Rev Mangneo Haokip Leader YWAM

4. Rev Young Su Chung Director IEF

5. Pu Dr Seiboi Singsit IFS Retd.

6. Pu DP Haokip IRS

7. Pu P.Doungel IPS

8. Ng Lhingboi Kipgen women Secy MBC

9. Nu Boinu Mangte

Topics

=KBC Vision 2030

=Mission North India

=Youth with a Mission

=Called to be a Missionary

=Lay Leaders role in Mission

=The Bible and your life

=Govt. Servants as Gods Servants

=women's role in Ministry

=Widows role in Mission work

Conference Theme: "Come over and help us" Acts 16:9

Conference Focus

1.Khangdong Pathen natong nomho dia lampi sempeh ding

2. Houbung mite Pathen natoh na machal nadia tilkhouding

Expected delegate=5000

Expected Crowd=10,000

Extra Features

1.KBC Mission Field ho taopeh na [Country/State map kitah ding ahi]

2. Gambih Choir hung jao jouse Rs 10,000/- cheh kithopina kipe ding.

3. Mission Conference 2019 memoriam badge kisem ding ahi.

4. A Conference conducted 30 Years after the Last Mission Conference.

Mission Conference 2019 lamkaiho:

I. Conference Program Official

1. S.Athang Haokip –Chairman

2. Rev Henjalen Doungel-Program coordinator

3. Evan.Haopu Haokip-Asst.Co ordinator

II. Planning Committee

1. Rev.Dr Thongkhosei Haokip Gen Secy Ex officio
2. KBC M/E Board Members
3. Rev Letpu Kipgen Finance Secy KBC
4. Rev Satminlen Khongsai Youth Secy KBC
5. Miss Anem Haokip W/Secy KBC
6. Rev Lunjalien Khongsai Pastor KBC 5
7. Rev.Khuptinlal Hangsing Pastor KBC 4.
8. Rev Ngulpao Haokip C/C Salem Sapormeina
9. Deacon Seiminthang Lumpheng COLA Chairman
10. Deacon Sehjalien Gangte COLA Secy.

III. Finance Committee:

- | | |
|-----------------------------|----------|
| 1. Pu S.Athang haokip | Chairman |
| 2. Rev Henjalien Dounghel | Convenor |
| 3. NI Hekim Khongsai Member | |
| 4. NI Chinneivah Haokip | Member |
| 5. Pu Lhunthang Mate | " |
| 6. Pu Lalboi Haokip | " |
| 7. Pu James Doujapao Haokip | " |
| 8. NI Lamneikim Haokip | " |
| 9. Pi Juliana Dounghel | " |
| 10. Pu Seithagn Dounghel | " |
| 11. Rev Letpu Kipgen | " |
| 12. Rev Lamkeng Lhouvum | " |
| 13. Rev Ngulpao Haokip | " |

IV. Souvenir Committee

- | | |
|-----------------------------|---------------|
| 1. Pu Haopu Singsit | -Chairman |
| 2. Rev Henjalien Dounghel | -Editor |
| 3. Pu Lenboi Singsit | -Joint Editor |
| 4. Rev Dr Thangboi Chongloi | -Member |
| 5. Pu Lhunthang Kipgen | -Member |
| 6. Pu S.Onmang Haokip | -Member |
| 7. Rev Haoneo Haokip | -Member |

V. Committee on Local Arrangement (COLA)

- | | |
|--|--------------|
| 1. Rev Lamkeng Lhouvum | -Convenor |
| 2. Rev Lunjalien Khongsai | -Co Convenor |
| 3. Deacon Seiminthang Lumpheng | -Chairman |
| 4. Deacon Sehjalien Gangte | -Secretary |
| 5. Pu Doulet Khongsai Principal Kangui Ch. College | -Member |
| 6. Pu Jampu Kipgen Principal Elite Hr Sec. School | -Member |

- | | |
|--|---------|
| 7. H/ Deacon Keithelmanbi Solam Baptist Church | -Member |
| 8. H/Deacon Maohing Baptist Church | -Member |
| 9. H/Deacon LS Sejang | -Member |

VI. Light and Sound:-

- | | |
|------------------------------|------------------|
| 1. Chairman & Secretary COLA | 2. Pu I Hangsing |
| 3. Pu Kamgougin Khongsai | 4. Pu K. David |
| 5. Gl. Thangtinsei Lenthang | |

VII. Water Supply/Firewood

- | | |
|--------------------------|----------------------|
| 1. Deacon Lhunjam Kipgen | 2. Pu Seingul Gangte |
| 3. Pu Kamminlen Kipgen | 4. Pu Khailun Haokip |

VIII. Reception

- | | |
|-----------------------------|------------------------|
| 1. Pu Tonghen Kipgen-Leader | 2. Nu K. Hoinu –Leader |
| 3. Pu Paolen Haokip | 4. Pu Letgin Kipgen |
| 5. Pi Hoihoi Sitlhou | 6. Pi Minchong Haokip |
| 7. Pi Senu Kipgen | 8. Pi Kimjalhai Kipgen |

IX. Hall incharge cum Transportation

- | | |
|--------------------------------|---------------------------------|
| 1. Pu Tongkhohao Kipgen-Leader | 2. Pu Haochoon Kipgen |
| 3. Pu K. Amang | 4. Pu Thanggin Kipgen |
| 5. Pu Tonglun Neihsel | 6. Pu Lengkhohal Kipgen |
| 7. Pu Letngam Haokip | 8. Gambih le Local Church teni. |

X. Camp incharge

1. Deacon Thangminlen Chongloi-Leader
2. Deacon Lamkholet Haokip
3. Deacon Thangboi Gangte
4. Deacon Lalkholen Kipgen
5. Pu Jamjang Vaiphei
6. Pu Paomang Kipgen

XI. Publicity

1. Gl. Thangminlen Haokip -Leader
2. Gl. Paonao Haokip -IS Tv Kuki Program
3. Nu S. Lhingboi Haokip -AIR
4. Pu James Ginminthang Haokip
5. Pu Seikholen Chongloi DDK

XII. Steward.

1. Deacon Lunminthang Haokip-Leader
2. Deacon Gl. Satjang Thiek
3. Gl. M. Paokai Sitlhou
4. Gl. Letginthang Haokip.

Women Column



Gambir No 15 NUTE CAMP Haolenphai a Dt 9-12 Sung in ana kimang in Speaker in Rev. Demkhoneh toh Miss Anem Camp Director Gambir Pastor Rev.Thanglen Apang in Pathen lungset na jal in lolhing tah in akichai tan Pathen kathang vah e.Nute Mi 111 alhing in ahi.

KBC Gambir No. 5 Nuten

Women Secretary Miss Lhingjanem Haokip Lhahna ananei taove.



achesa 17th September 2019 Tuesday nikho a Miss Lhingjanem Haokip, KBC kivaihom na dungjuia KBC Worker khat hi na kon'a Pension anache tahding jeh in KBC No.5 Nute ho in jong KBC Centre Church Kangpokpi a vailah na kin aneipeh taovin ahi.

Miss Anem hi KBC worker ho lah a homtho umtah ahi. Pathen in Talent jat chom chom apen, vahchoilasah hihen thusei lam hijongleh Pathen in amanchah mi khat ahi. Ama jallin Pathen thangvah in um hen.

LYDIA RESOURCES CENTRE VILNA



Dt.1/10/19 tunin Centre Chrch Molnoi pastor pa le atohkhom pi houbung lamkai hon LYDIA RESOURCES CENTRE taona le thilpeh in ahungvil un thilpeh chu Anchang bag 2 le Ahlu bag1.Chule mi 11 (som le khat) ahung ui. Athilpha bol nao le a gunchu nao Pathen in ahungkal song jouse le Centre Church Molnoi houbung mi jouse lhagao le tahsan phatthei naboh taohen, kakipah uve.



Tuni dt.7/19/19 nin gambih no.15 nute lamkai teni le gambih pastor pa le a inneipin gambih no.15 nute jouse thalheng in Lydia Centre tilkhon nale taopeh na chule thilpeh in ahung vil un abonchao chungu Pakai min in kipathu sangtah in kahinphong. Amaho a kon kithopina dangka 10,000 akimu in ahi. Gambih no.15 nute jouse le pastor pu le a insung nabon un Pathen in phatthei naboh taohen.

Vahboi Baite Warden Lydia Resources Centre

Youth Column

CHOIR LEADERS MEET

A DIA KOUNA

Ahunglung ding nisim 8th November 2019, Friday nidan 11:00 PM tengleh KBC Head Office Chapel Hall mun a KBC Music Committee mopohna noiya KBC sunga Choir Leaders Meet umdingin akigongin, hijeh chun anoiya chenghi hungpang tei dinga temna sangpen ahung kineiyn ahi.

Ahungpangdia deisah ho:

Gambih 1-21 sunga Choir Leaders jouse

Centre Church 21 sunga Church Choir Leaders jouse

Gambih hihen, Centre Church hihen, Convention a hijongleh Choir Leaders ana pangkha jouse.

Resource Person: Rev. Dr. Thongkhosei Haokip, General Secretary, KBC

KBC LAPI HO

ABU A SEMNA DIA TOHGON

KBC in la tampi ana neiin, Department level in jong la tampi semdoh in ana umtan, tun ageina lam kihelou sahdox jong hitalou jong tampi aumtan ahi. Hito bang a la kismho mansah nalouding in KBC Music Committee in Lapiho Abu a semdoh ding hi tukum tohpat dingin akigong tan hijeh chun mun tin um KBC Houbung hihen lang changval hijongleh anoiya kisei banga hi ingaito khom uva chuleh amopopa kom a jong ithah ihin peh diuva temna le taona sangpen ahung kineiyn ahi.

Gambih a Lapi ana kismho

Houbunga lapi ana kismho

Gambih/Houbunga Society/Department level a lapi ana kismho
Convention lapi ho

Convention level a Department wise a Lapi ana kismho

Nikho thupi kimanghoa lapi ana kismho

Jubilee jousea lapi ana kismho (Houbung, Gambih, Convention)

Notes: La hohi Solfa pum a hitei ding, hichu KBC Music Master, Gl. Haoneo Baite kom a ipeh thei diu ahi. Kijahto nading jouse jong ama toh ikijahto diuvin temna jong ikinei uve.

MUSIC/SOLFA TRAINING

KIBOLDAN HETSAH

Gambih level hihen lang Houbung level hijongleh Music/Solfa Training bolding jousen KBC Music Committee ho ikijahto pi pantah diuvin temna sangpen ahung kineiyin ahi. KBC Music Committee chengin mihil ding (teacher) kingaito/kihin solpeh jingding, certificate pehdinga lom aumjong pehding tihi hung kichepi pan ahitai.

Hijeh chun muntin a um KBC Houbung chengin tua patna Music/Solfa training bolding jousen KBC Music Committee through in bol pan tauhite. Chutileh lasah dan, kihildan hung kibang thei dingin aumme.

NGAILUT HETJINGNA SONG DO



Miss Lhingjanem Haokip leh a insung mite in Nisim 14 September 2019 in achennau N. Songlung mun ah angai lut u a nu Hetjingna songdo peh na kin thupi tah in ana neijin KBC Office Staff jouse jong aman tohkhomna sung a kin nukhah khat ahijeh in temna ahin nei in ajao thei jousen General Secretary Pu M. Thongkhosei Haokip lamkainan aga kilhah pi in ngailut ankong ahinkisohkhom in ahi.

Literature Column

Sunday School Day - 2019

Chungchang'a Thuthot le Hetsah

Pakaiya ngailut umtah houbung lamkaiho le houbung mite ho jouse heng'a hetsah nom chu ahile, KBC Calendar of Events, 2019 dungjuiyin, tukum (2019) Sunday School Day hi ahung lhung ding 3rd November, 2019 (Sunday) nikho khu hiding ahi. Hiche nikho man'na ding chungchang thu'a hin, tukum'a hi eima, eima houbung'in ihitheina cheh'uva Programme ikigon'uva ihitheina cheh'uva inaman diu deisah'na jalin Office lang'a konin Detail Programme (Thupi, thupi sei ding, houkhom lamkai ding, labung, chule kimanchah'na item dang dang ho) ima ahung kigong tapon ahi. Hijeh chun, eima eima houbung cheh in ihitheina dol lam cheh'uva Programme inakigon'uva thonlouva inaman tei diuvn Pakai minin temna le hetsah'na ahung kineiyn ahi. Chule Pakai lengpi leiya na itoh khom na'u Sunday School'a ding'a itokhom'na ding'u nikho ineisun sun'u hiche nikho'a hi Pakai min'a tomngai tah le hongphal tah a tokhom'na jong phatah a ihinbol cheh diuvn jong Pakai minin ikitemuvn ahi.

Iham ti'a anikho'a ding'a Guest Speaker dei i-umkhah'uva ahijongle ikihet to theiyu ahi. Chule iham tia Office lang'a kon'a Speaker ding ahung kisolna houbung i-umkhah'uva ahi jongle Pakai min'a kipah tah le lunglhai sel'a inalem diuvn Pakai minin ikitemuvn ahi.

Convention Level Sunday School Cometicative Exam

Chungchang thu'a Hetsah

KBC Calendar of Events dunjuiyin, tukum (2019) Convention Level Sunday School Themvet Kitet'na (Convention Level Sunday School Competitive Exam) hi ahung lhung ding 1st December, 2019 (Sunday) nikho khu hiding ahi. Hiche themvet'na'a pangding ho chu Senior 1, Senior 2, chule Pilhing Class ho hiding ahi. Hiche hi Convention Level a kitet'na themvet (Convention Level Competitive Exam) ahin, eima, eima houbung'a Beginners a pat pilhing chan themvet'na ho chu hiche nikho masang'a hi ibol/ ichai cheh diu ahi. Convention Level Competitive Exam le New Testament Bible/ Scripture Knowledge Competitive Exam Application Form anakihom, September Iha sung'a Submit ding, October Iha le Admit Card kihom ding kiti chu, het themlou jeh'a Septtember Iha sung'a hin

Submit manlou lai mi phabep a'umjeh in, tuchan'a hin Submit loulai hon October lha sung'a ahin submit'uva, chujou tengle November lha sung'a Admit Card hiop dingin phat akisuh saobe tan ahi. Hichehi houbung mi apang nomho khotona jal'a ibol'u ahijeh in, Pakai min'a ikihet them to diuvn ikitem'uvin ahi.

Rev. Haoneo Haokip

Secretary

Literature & Publication

Reports

KBC WORKERS' RETREAT 2019

JOINTLY ORGANISED BY KBC & ECC AT ECUMENICAL CHRISTIAN CENTRE, BANGALURU, SEPTEMBER 23-28, 2019



Tukum 2019 KBC Workers Retreat hi Ecumenical Christian Centre (ECC), Whitefield, Bangaluru, Chennai chule Mysore mun'a September 23-28, 2019 sung in KBC Workers le ajiteu mi phabep, agom'a mi 66 in lolhing tahin akimang khom in ahi.

VAIKON APAT VAILHUN CHAN KIMANCHAH NAHO

September 23 nikho 12:30 pm in Rev. Satminlen Khongsai, Youth Secretary in KBC Office mun'a vaikondohna dingin taona amang in Bangaluru mun jon in ana kileng doh tai. Bangaluru akilhun in amun'a um sopi phabep; Rev. Obed Haokip, Hope Fellowship, Bangaluru lamkainan eina vailhun un chujouvin ECC, Whitefield mun 10:30 pm in damsel in aki lhungin ahi.

September 24 jingkah in ECC Chapel Hall ah Rev. Dr. M. Thongkhosei Haokip, General Secretary lamkaina in kipumkhatna ding thu toh kisaiyin Devotion aki neikhom'e. Breakfast kichaijin Inauguration & Keynote Address- Prof. Dr. Mathew Chandrankunnel, CMI, Director, ECC in aneiya, KBC langa konin ECC dingin Kipa Thilpeh akipen chuina, anoiya kipe Seminar Class nom tah tah nilhum in akimang in ahi.



- 1). Rev. Lunmang Haokip, Research Director, India Collaboration
- ***"A Call for Christian Leadership in 21st Century,"***
- 2). Rev. Lalboi Haokip, Lecturer, Jubilee Memorial Bible College, Chennai
- ***"Impact of Social Media on Youth: Pastoral Response***
- 3). Bishop Paothang Haokip, Pastor, Good Shepherd Church, Hyderabad, India
- ***"The Need of Strategic Planning in Christian Ministry,"***

Sept. 25 jingkah in Gl. Thangminlun Vaiphei, Deputy Director, ECC in Campus sunga thil kibol ho vetsahna einei piuvin, chule Ecumenical/ Environment chungchang'a houlimna le tilkhouna thu aseiyin ahi. Jing an neh jouvin Dr. Elizabeth Kimneihat Vaiphei, Asst. Professor, (National Institute of Mental Health and Neuro Sciences) NIMHANS, Resource Person hina in "Mental Health and Christian Ministry," thua Seminar akineiyin, KBC Workers jite jouse jong atum beh in ana kimankhompin ahi. Seminar ijakai kichai nung in Workers jousen Paper present kibolho akon in gelkhomna le kihoulimkhomna akineiyin, apha ding'a gellah le phatsah phabep jong a kiseikhom in ahi. Kihoulim khomna akichaiyin Bangaluru khopi sung'a Lalbagh garden chuleh commercial street Market mun a kihuilhana aga kinei kitne.

Chuin nilhah an neh jouvin Chennai khopi jonin ka cheuvin, ajing, Sept. 26 jingkah in Chennai ka galhung uvin KWS le KSO lamkai phabep in ngailutna neitah in eina vailhun un, sun nilhum chule jan khangkim changeiyn eiboi piuvin ahi. Chennai mun'a Gurukul Theological College akivil in, jing-an ei nehsah uvin chule kimmel het tokhomna phat chomcha jong ana kineiyn ahi. Sun in St. Thomas Mount le Little Mount villhahna akineiyn ahi. Nilhankai don in Pu. LK Sitlhou, Assistant Commandant, Indian Coast Guard jallin Chennai Sea Port vilna akineiyn chujouvin Spencers Shopping Mall ah cho thei thei akikichoh cheh in ahi. September 26 jan khovah in Train in Mysore kahin jon tauve. Mysore mun'ah St. Philomena's Church, Mysore Zoological Park chuleh Tipu Sultan Leng Inpi (Palace) chuleh Brindavan Garden kiti mun nom tah le kihuilhana mun loupitah akivil in Pathen thilsem loupicho akivekhom in ahi.

Sept. 27 jan in Mysore akon in Bangaluru akijon in ECC munna akijan geh pa in, ajing jingkah (Sept. 28) in Rev. Dr. M. Thongkhosei Haokip in vaikondohna taona amang in Kempegowda International Airport jon in akikitoh in, damsel chan Tulihal Airport 3:00 pm in aki hunglung tai. Pu P. Doungel le Pu Christopher Doungel in Bus 2 eihinsol peh kit un KBC Office mun ah Rev. Satminlen Khongsai le Office munna Workers phabep in kilomtah in eina vailhun uvin, Pathen thangvahna akiye in ahi.

KIPA THU SEINA

Retreat kisuhtah a achallhah theiya chule lolhinna akinei thei jeh in Pathen thangvahna ipeuve. KBC le ECC kiloikhom theina ding'a pan nasatah hinla Rev. Dr. Thongkhosei Haokip, Gen. Secy., KBC, Gl. Thangminlun Vaiphei, Dy. Director, ECC chuleh mi 60 val puihoi a pang Rev. Kamboi Chongloi, Secy., Men Dept, KBC chung'a ikipah uve.

Group nga sung'a lamkaiho jal in kimanchahna akitup theiyn, ikipah uve. Bangaluru um sung'a eina vailhun hou ahin, eihung vil hou ahin, ahideh a Rev. Obed Haokip, Rev. Dr. T.L. Angam Haokip le Pastor Jangkhothang Kipgen chung'a ikipah uve. Seminar paper hoitah tah eina lahpeh uva thu mantam tahtah eiseipehou Resource Person-ho jouse chung'a kipa thu seijoulou iphong uve. Chennai khopi le Mysore khopia sopi eihung kimupi hou le eina kithopihou jouse chung'a jong kipathu sangtah in iphong uve. Ahideh in KWS le KSO lamkaiho; Gl. Henry Lhouvum le Gl. LK Sitlhou chung'a ikipah

chamkim uve. Vaikon le vailhunna a KBC Office le Tulihal Airport kakah a Bus eihin solpeh jing'u Pu P. Doungel le Pu Christoper Doungel le insung mite chung'a kipa thu seijoulou akiphong'e, Pathenin phatthei boh jom jing uhen! Muntin le Houbung tinna tha le jung, sumlepai, taona le jat chom chom a einungjui jinghou jouse chung'a kipana alen e. Pathen in phatthei na boh cheh tauhen.

Reported by: Rev. Onkho Haokip,
Gb Pastor, KBC No.11.

MANIPUR BAPTIST CONVENTION SECRETARIES CONFERENCE



Amun: Satu Baptist Church (Aimol Baptist Association)
Duration 20-22 Sept. 2019

MBC Secretaries conference kibol na ahin KBC thalhengin, General Secretary, Finance Secretary, chule Literature Secretary, ho agapangun ahi.

Hiche Conference sung a hin Aimol ho cultural dance, chule sports, football, group li in akihomin ahi.

Executive Secretaries

Finance Secretaries

Mission Secretaries

Youth Secretaries

Champion hi Finance Secretaries hole Pilot (Driver) hon alauvin, Youth Secretaries hon 2nd prize akidop taovin ahi. Chule Volley Ball MBC Centre Church ho Champion ahiuve. Nehle cha tuitahin eibol peh un chule Speaker ho chu Out going Secretaries MBC 1. Finance Secretary MBC 2. Mission Secretary MBC 3. Women Secretary MBC ahiuve

GAMBIH 11 banchalna ho

1. Gambih An-ngol Taokhomna –

Zangmun Baptist Church munna August 22-23 nikho in Gambih No. 11 mi 200 vel in An-ngol Taokhomna lolhing tah in ana neikhom tauvin ahi. Rev. Onkho Haokip, Gambih Pastor in “Hinkho Kikhel – Acts 3:1-10” thupi mang cha in Speaker dinmun ala in ahi. Pastor Tingoulen Haokip, Centre Church Sangaikot in mipi taona alamkai in ahi. Chule Mrs. Dr. Nemneivah Haokip,



w/o Rev. Onkho Haokip in “Gamsung’a Themzilna lam khantouna ding” thumun mang cha in Resource person in apang in ahi. Tuchung Gambih An-ngol Taokkhomna chu Gambih sung’a Women Department mopohna noiya kibol ahin, Gambih Taokhomna kibol lah a mi tamna pen ahinalaiyin ahi. Pathen in Gambih mite phatthei boh jing taken!

2. Gambih Kipana Maicham –

Gambih in July 16, 2019 nikho a Gambih khat (36 x 100 Fts.) Rs. 2,50,000/- in ana kilamdoh toh kilhon in September 14 (Saturday) nikho in Gambih lamkai chengse le Houbung tin’a Houbung lamkaiho jaona in Gambih Center, Sangaikot munna Kipana Maicham semkhomna ana nei uvin ahi. Hiche kin achun Rev. Onkho Haokip, Gambih Pastor le Pastor Tingoulen Haokip, Centre Church Sangaikot Pastor in kintheng le taona ana lamkai

Ihon in ahi. Pathen in gambih mite phungvuh jing tauhen!

3. Jan Khovah An-ngol Taokhomna –

Gambih mite in September 20 (6pm) apat in September 21 (6am) changei Jan Khovah An-ngol Taokhomna mi 256 panna in Elijah Prayer Mount, Gothol munnah lolhing tah in ana kimang khom in ahi. Pastor Lalminthang Singson, Retd. Pastor, KBC in Taokhomna thensona aneyin, Pastor Tingoulen Haokip, Centre Church Sangaikiot in thupi seina aneyin chule Rev. Onkho Haokip in “Christian Neichin” chung chang Seminar paper ana hom in ahi. Gambih Choir-ho le Gambih Zaitthem in vahchoila ngei tah tah ana sauvin, Gambih Executive-ho in taona bih chom chom ana lamkai uvin chule lenkhom le nuikhom chule Taokhomna nom tah in ana kimang in ahi. Pathen in gambih No. 11 phatthei boh jing taken!

Pu Tinthang Kipgen,
Chairman, KBC No. 11

Pu Paolenmang Lhanghal
Secretary, KBC No. 11

KANI KITU (POPPY PLANTATION) THUDOLA KBC DINMUN

Kani hi tulai eimiho lah a ahung kihabol lheh tan, KBC member ho le houbung lamkai phabep jeng jong hiche lah a chun ahung pang tan vangset aumleheh e. Apatlou dan chu jat chom chom a kimu thei ahi. Hiho chu – ecological disaster (lei man kit thei hitalou ding), illegal (dan in aphallou), chule moral/spiritual deterioration (Umchan le lhagaova khehsuhna) ahiuve. Lhagao lama seidingin, Pathen sonlalna jeh a eima changa lunggel natohna chu ahi. Hicheho chu koiman amah (hetlou) ahapon, henasa a kibol ngen ahi. Hiche hi ihetdoh lou vang uva gamsung amiho jouse tha dinga kibun mang nading tohguon chu ahi. Lhagao lama Pathen lungsatna le tahsa lama nam/chi khat hina a kona manthah kipatna ahitai.

Hiche donbutna hi state government in abol thei pena agelu chu police ho thalah a alou muna gachea gavat set ding bou chu ahin, hichu policing role ahi. Ahin, hiche lou lhouho le akiseimo piho chu akhel a aphajep khat iti guon ding ham ti chu aumbek poi. Aum jong le individual level hin tin, government in abolna mun hoa jong

sumneh guhna (corruption) adim jeh chun achang dinga kilomho achang joujipon, hijeh a chu abol ngai ngaiya nunglut ji ahitauve. KBC hi economic ahilou le social organisation ahipon, houlam (religious) organisation ahijoi. Lhagao lam akiti vang hin imajousea alai tah a um ahitoh kilhonna adang toh kikhen thei lou ahikit e. KBC in hitobang a natong/kivei/kisalal ho chu aphapoi ti sanga government policy joh iti khel/suhlamdang theiya, hitobang bol ho chu akhelpi thei muchi-chivo le adang danga kithopi na aumna thei ding joh a pan lah ding lunggel kinei ahin, government toh kithoa muchi lhouho lou gavat set peh ding ti akigel poi.

Hitobang lunggel akinei toh kilhonin KBC lamkaihon achesa kuma pat in ikhohsah danu vetsah nan Manipur Chief Minister (Shri Biren Singh) vel 2 sang ana kiki mupin, gamsung/houbung mite hahsat dan le ipi tobang kiveina/kivahna akhel umseh thei ham, chule government resource lah a kihilna (seminar) bol ding ham tin lunggel le tohguon anaum toh kilhonin, mun 2 (ni) ah seminar anakiboldoh tan ahi. CM lamkaina a state level a launching program bol ding akiti chu boina chom chom ana um jallin ana kimuolso jou tapoi.

Hitia pan lahma le gelkhohna akineih government in ahin hetdoh utoh kilhonna hitobang thudola lunggel khomna dingin high level committee ana semun, hiche lah a chun KBC jong ahin pansah uvin ahile mi tampi ahekhel hoa konin oimona jong akichan da pon ahi. Hijong le gam le go venbit na ding, hichea natong hon hiche sanga mihon asan thei kiveina phatah akimuna dingu, chu le lhagaova halna le kipana aum theina dingin government in eikineppi na le eingensenauva pan phatah a lah na dingin khutsanna (acceptance) ana kineiyin ahi. KBC sunga aboipi thei department/board akiven Development lam toh kisai ahitoh kilhonin akipedoh in, amaho sunga lunggel thei hon eiho jouse khel a pan eilah peh diu ahitai. Ipan lahnau va kona thilpha lama kikhelna ahung sodoh theina dingin taona ah ana juijingu hite.

Rev.Dr. M. Thongkhosei Haokip
General Secretary, KBC

Women Secretary Miss Lhingjanem Pension Cheta



PROFILE:

Name : Miss Lhingjanem @ Anem Haokip
 Father's Name : (L) Tongkhai Haokip
 Permanent Add : N. Songlung Kangpokpi Dist.
 Date of Birth : 17-09-1959
 Date of Appointment : 01-05-1990
 Date of Retirement : 17th Sept. 2019
 Designation : Secretary KBC Women society
 Edn. Qualification : B.Th. B.D Serampore

WORK/ MINISTRY	1990 – 1995	: Secy. Women Dept.
	1996 – 1998	: Study Leave (BD)
	1999 – 2000	: Warden to Working Women

HOSTEL	2001 – 2003	: Secy. Women Dept.
	2004 – 2007	: Secy. Women Dept.
	2008	: Missionary to Mishing Field Assam
	2009	: KBC Field Evangelist
	2010 – 2016	: Warden to Working Women Hostel, Receipt & Issue,

KBC Thuso Circular Manager

2016 – 2019: Secy. Women Dept. KBC Thuso Circular Manager

Miss Lhingjanem @ Anem Haokip Convention Constitution dungjui in Kum 60(age) alhing nin Dt. 17-09-2019 nikhon Kuki Baptist Convention Office a Pension Board cheng leh office staff cheng in Farewell program ana kimanpih tan ahi. KBC thuso Circular manager panmun jong a pension nigei in kitup tahin eina boipi jalun Editorial Board in jong achung'a kipathu aki phongin ahi. Ama leh a innsung mite Pathen Phatthei boh changjing taohen.

FREE MEDICAL CAMP

ON 2ND OCT. 2019
AT KBC C/C Kangpokpi



Tuni Pathen lungset a Houbung Deacon Board a kiseikhom banga Medical Camp Lolhing tah a akiche Lhah thei jeh ip Pathen thangvah in um ta hen.

Hiche camp a dia nganse na kinei Pu Seiminthang Lupheng le Pu Lunminthang Haokip in Jong gun chu tah a pan ahin lah na chung lhona Kipa thu sang tah in aki phongin ahi.

Tunia Doctor hung ho leh Lou hom a pang jouse chung a jong kipa thu kahin phonge.

Nurse ho leh akithopi a pang Registration, BP ve ho, kot bul'a mi kouva pang ho, chuleh seat arrangements a eipan peh ho Youth ho chung a Kipa thu kahin phonge.

Mipi kivetsah a Hung ho jouse Jong gunchu tah a ama phat ngah jinga tou tou ho Jong kahin pahchan ahi.

Achaina penin aneopen hilou, Houbung lhacha te leh anneh tuidon Doctor ho dia ei gon peh ho, Cha don dinga kisa lel ho jouse chung a Pathen minin kipa thu sang tah in kahin phonge.

Pathen in Houbung phat thei boh Jing ta hen

Rev Lamkeng Lhouvum, Church Pastor

Keithelmanbi Solam Baptist church (KBC No.5) Nute Camp



KIPA THUPHON

Achesa Nisim 19-22 September 2019 sungin Keithelmanbi Solam Baptist church (KBC No.5) Nute toh gon na noijin Nute Camp ana kibol in ahi.

Thupi : 'Ama chanute ho nahiu ahi tai' 1 Peter

3:6. Speaker Evan. Chingboi Chongloi leh Evan.Sesiem Singson hinan Camper mi 50 pan lahna ananeijun Pathen lungsetna na jallin lolhing tah in ana kichaijin ahi. Hiche Camp a kithopi na a pan hung la hojouse na toh phat nau chung a Pathen nin Phatthei na boh cheh tau hen.

Achaina keijin Hatchungnung hingjing Pathen in Keithelmanbi Solam Baptist Church (KBC NO. 5) Phatthei boh jing taken! Kakipah e.

Nu. Nengvah Haokip Chairperson W/D KSBC

67th GENERAL ASSEMBLY KOUNA KUKI BAPTIST CONVENTION



Amun : *S. Saisijang Baptist Church, KBC No.19*
Lhunkimni : *27th January 2020*
Nipini : *28th – 29th January 2019.*
Kikhenni : *30th January 2020*

Pakaija ngailut umtah, KBC General Assembly member ho jouse, min ngei chungnung I-Pakaiju Jesu Christa minin kangailutna kumthah chibai kahin peuve. 2019 Calendar of Events, dungjuja chung a kipe munle nikho sunga hi 67th General Assembly umding ahin. Hijeh chun, member ho jouse thonlouva hungpang cheh dingin temna le etsahna kahin neije.

Assembly Member dingho chu:

President, Vice-President, Assembly Secretaries, Auditors, Committee le Board hoa member jouse.

Ex.President ho, Pensioners, Deputations, Auditors.

Convention Pay Workers Missionary le Evangelist ho jouse.

Convention Elected Member ho jouse.

Gambih a Chairman, Secretary le Department Chairman leh Secretary ho.

Houbung (local le centre church) thalheng khatcheh (Baptized member 100-200 chan ahileh mi 2 hiding, 200 chunglam ahileh mi 3 hiding ahi).

Men, Women, Youth Work Committee member jouse (Convention le Gambih).

Member at large (mi 2).

Rev. Dr. M. Thongkhosei Haokip

General Secretary

Kuki Baptist Convention (I)

Notes:

Assembly hi S. Saisijang Baptist Church munna umding ahn .Sapormaina le Ekou kika ahi.

Assembly adinga thil angaicha jouse eiman kipoh cheh ding ahi.

Registration Fee hi mikhat na Rs, 500/- hiding ahi.

Pension cheding jong mi 6 aum e.

CHEH (BRICK) MARUP.

Hungjao vin kish ponnate

LENMOUL BRICK FIELD
(kaprang sah),
Churachandpur, Manipur.

Hydrolic machanize of
Stone dust + cement + Stone
chirp 6mm
Size H.4 inch. W.6 inch. L.8
inch.



*normal brick 3toh tua kishem
hydrolic brick 2 kibang ahi.*

ITI JAO DI HAM?

1=Lom (marup)hi Oct dt 10 le kipan ding ahin hichi nikho ading
achu Rs.2000 nakigin ding ahi.

CHEH ITIHLE MUDING HAM?

Namin nakikhum le nadei phat2 a cheh nakilah thei ahitai.

CHEH IJAT KILAH DIHAM?

Marup chen khat najuile cheh 2000. nakilah ding chen ni najuile
cheh 4000 nakilah ding ahi.

SUM (MONEY)ITI PEH DING HAM?

Marup a jao nahi a Chen khat najuile lhaseh dt. 10 sihle Rs.2000.
naseding Chen ni (2)najuileh. Lhaseh a' Rs.4000 naseding ahi.

SUMCHU ITIHCHEN SE DING HAM?

Lhasomle kha nga (15 month) chan naseding ahi.

1. Chen khat ho seding : $15 \times 2000 = 30,000/-$

2. Channi juiho seeing: $15 \times 4000 = 60,000/-$

CHEH CHU IJAT MAN HAM?

Cheh hi khat a Rs.20.man ahin Oct.lha a hi nahung jaole
Rs.15.a nakilah ding ahi.

$Rs.15 \times 2000 = 30000 / Rs.15 \times 4000 = 60000$

*SUM KOI KOMA PEH DI HAM? CHEH CHU ITI KAKILAH DING HAM?

Sum nanah nading account number hungki pehding hiche
account no. achu nahin thot jiding ahi. Cheh chu nain a manbei
(free)a hung kithahpih di ahin, amun a kholhah naman vang
nangman nakipoh dohding ahi.

Contact: Kaikhokam Haokip @ 9383279309./8014152413.



Zangmun Baptist Church munna Aug. 22-23 2019
nikho a Gambih No. 11 Anngol Taokhomna



19-22 September 2019 sunga Keithelmanbi Solam Baptist church (KBC No.5) Nute Camp



KBC Central Choir member holeh KBC lamkai phabep
hyderabad mun a All India Baptist Summit a
ding in akondoh tauvin ahi.

Post Regd. MNP/81
Regd No. 18134/88



KBC Office Staff ho 17 Sept. 2019 group photo

If undelivered, please return to
The Editor. KBC Thuso
KUKI BAPTIST CONVENTION
Opp. DM College, Imphal - 795 001
Contact: 9862633173